



ERasmus Annæmontanus à pueris artiũ & lin-
 guarum studio operam dedit, & in ijs singula-
 ri diligentia adeò profecit, ut uiris doctissimis ad-
 numeraretur. Postea quoq; Vuitebergæ Theolo-
 giæ incubuit, & sacrarum literarum usum sibi fami-
 liarissimum fecit. huic eruditioni coniunxerat uite
 innocentiam, & naturalem quandam facundiam.
 Id cum illustris comes Nassouix Vuilhelmus intel-
 lexisset, eum ad se uocauit, & suę ditionis Ecclesię
 superintendentem constituit. Scripsit is plurimos
 libros, & inter eos Dialecticam & Rhetoricam. I-
 tem expositiones in Epistolas Dominicales & fe-
 stiuales ad methodi formam ferè absolutæ. In 4 E-
 uangelistas & Acta Apostolorum scholia. præterea ueterũ synodorum cum
 generalium tum prouincialium rationem & usum. atq; insuper de cõsensu ue-
 ræ Ecclesię & S.S. patrum. Cum hoc modo suæ ecclesiæ optimè præesset, atq;
 Carolus uictor 1548 nouam religionis formam Imperij statibus proponeret,
 quam etiam Vuilhelmus comes suscipere cogebatur, Erasmus ab eo disces-
 sit, atq; se ad loca tutiora contulit. ubi etiam postea suam operam Eccle-
 się præstitit, atque sua eruditione & uarijs lucubrationibus apud
 doctos sibi magnam auctoritatem conciliauit. Gess.